

周秦哲學史

周秦哲學史

治道家儒家之言。又在美國習法政。因欲別爲一書。以明古代道德政治學說之精旨。而數年以來。往來京濟。經理古玩之業。未暇有所著作也。民國十一年。應北京清華學校之聘。演講周秦哲學史。踰年因次其積稿。凡十一章。都爲一編。昔英相客倫威爾囑畫師曰。『畫我勿失真相。』夫古代哲學家之去今遠矣。欲求其真相。其可得乎。余之是編。不過羅列先哲遺說。聊以盡疏通證明之責而已。然抉擇必求其審。考訂必求其是。議論必求其平。至於胡氏書錯誤之處。亦略爲糾正。若夫見仁見智。則在覽者自得之。無庸余之繁詞詳說爲矣。民國十二年六月十日。陸懋德自記於北京清華學校。

周秦哲學史叙目

摹明人丁南羽畫老子像

摹漢人武梁祠畫管子像

摹晉人顧愷之畫孔子像

第一章 哲學史概論

第二章 周秦哲學之考原

第三章 周秦哲學之興起

第四章 道家哲學上

第五章 道家哲學下

第六章 儒家哲學上

第七章 儒家哲學下

第八章 墨家哲學

(老子三十三—四十二) (管子心學四十一—四十四)

三十三

(孟軻四十五—五十一) (荀悅五十一—五十二)

四十五

五十七

第九章 名家哲學

六十五

第十章 法家哲學

七十四

第十一章 周秦哲學補遺

八十五

附周秦哲學書目考

九十二

附參考書目

九十六

叙曰。余昔讀日人宇野哲人支那哲學史講話。日本大正三年出版未嘗不喜其簡明。而

病其缺略。蓋宇野氏取吾國上下古今之學說。而納之于一小冊。宜其不能詳

也。胡適中國哲學史大綱。上冊民國八年出版取材較廣。立論較嚴。然其書除墨學名學

外。於道家儒家法家之說。又有「擇焉而不精。語焉而不詳」之病。蓋胡氏初

治墨家之學。而其哲學史又「由中國名學史底稿改成」。胡氏自言如此。中國名學史即胡氏

在美國畢業所作之論文故其書詳于名理。而略于他事。余謂古代哲學內。墨家最爲淺薄。

名學亦多不適用。而其精深之處。反在道家儒家法家之道德政治學說。余既

周秦哲學史

濟南陸懋德著

第一章 哲學史概論

上所固有乃非考澤自泰西之

Philosophy

哲學之意義

哲學之名詞在西語為非羅素非其字出於希臘古語原

意為愛智余考馬融鄭玄皆訓哲為智

詩書註及箋

是華語譯為哲學亦與希臘語

意暗合吾國古代無哲學之名詞當時學者尊其最精之學說則稱之曰經

如道

經墨經法類

劉熙曰「經者徑也如徑路無所不通也」

釋名

是吾國所謂經猶

如西國所謂哲學宋代已後有所謂道學有所謂理學其義亦同顧炎武謂「

理學即經學」

全祖望顧氏碑

余謂經學即哲學亦無不可今人所謂哲學有原理之

意然原理必取材於各種科學之公理易所謂「觀象於天觀法於地近取諸

身遠取諸物以通神明之德以顯萬物之情」

繫詞下

意即如是余謂本之各種

科學之公理以探萬事萬物之原理是謂哲學余又謂哲字為摺字之假借余

周秦哲學史

京華印書局刷印

所見周齊侯壘銘凡哲字作哲。

銘文詳見兩壘軒彝器圖釋卷四

是其明證。然則哲學當作哲。

學爲是。

哲學之範圍

哲學取材之廣。既如前所言。而其範圍之大。亦不可不知。

淮南子自稱其書「天地之理究矣。人間之事接矣。帝王之道備矣。」

要略訓

凡此

各種問題。皆爲哲學所包。班固謂「易春秋通合天人之道。」

漢書李尋傳

章學誠

曰「易以天道而切人事。春秋以人事而協天道。」

文史通義易教篇

吾國每以天人

二字言學。其義甚精。蓋天即包含自然界各象。人即包含人生界各象。故余謂

哲學即通合天人之學。其範圍約分三類如左。

(一) 眞際論

The real

如關於物理心理論理等類。

(二) 想像論

The ideal

如關於道德政治美術等類。

(三) 究極論

The absolute

如關於宇宙神祕宗教等類。

哲學史之性質

章學誠曰「讀六藝畧者。必參觀儒林列傳。讀諸子畧

者必參觀孟荀管晏老莊申韓列傳。

校讐通義卷一

此即治哲學必須讀哲學史之意。

哲學史所以記哲學思想之發達。與普通學術史性質不同。德人溫特班 *Windt*

delband 曰。『哲學史應注意三事。』(一)由各家之學說。按當時之生活。與社會之

發達。切實考求而記其所得。(二)由此而造統系的組織。以見各家之學說與其

前人與其時代與其個性之關係。(三)再由此而作全體的計算。以見已成立已

解明之學說。在歷史上之價值。

溫氏西洋哲學史一

本此義以作哲學史。則一國人或

一民族對於人生萬物及世界之觀念。皆可由此考見。是為哲學史。

哲學史之類別 司馬遷作孟荀列傳。老子韓非列傳。及儒林列傳。此即

吾國最古之哲學史。惜後人集為一書者。尚無其人。余謂哲學史可分為四種。

有專人的史。即一人之學史。有個派的史。即一派之學史。有斷代的史。即一代

之學史。有歷代的史。即歷代之學史。西國此類之書極多。而在吾國則甚少。然

吾國亦非並無其書。如宋元學案。明儒學案。固為哲學史之大著作。其他同類

之編輯亦代有其書。今取吾國舊有之學史示例如左。

(一)專人的。如顏習齋學記。

(二)個派的。如伊洛淵源錄。

(三)斷代的。如漢儒通義。

(四)歷代的。如理學宗傳。

中西哲學之原始。世界文化之起點。舊說以爲出于亞歐非三洲交錯之間。由希臘傳之。爲歐洲之文化。由中國傳之。爲亞洲之文化。或謂印度氣候炎熱。其文化發達。當亦甚早。余謂中國文化或爲獨立的發明。不受他國影響。亦未可知。此說本英人韋耳士世界史綱余考印度哲學蓋始于波羅門之論水中下種。然印

人史籍缺略。年代難考。希臘哲學蓋始于特利士 *Thales* 師徒之論四行。距今

約二千五百餘年。

希臘哲學史

吾國哲學始于何時。亦甚難言。余按漢儒謂「伏羲

受河圖。則而畫之。八卦是也。禹錫洛書。法而陳之。洪範是也。」

漢書五行志

此西漢人

相傳之說。當時必有依據。然則八卦洪範實爲吾國最古之哲學。伏羲距今約五千餘年。禹距今亦四千餘年。可見吾國哲學史之古。

中西哲學之比較 班固曰：「凡民剛柔緩急，繫于水土風氣。」漢書地理志 人

性隨地勢而變。學術亦何獨不然。吾國伏羲畫八卦，在黃河流域。新唐書地理志曰：文城縣

孟門山舊傳龍馬負圖出此德按伏羲畫卦當亦在此又按唐文城縣在今山西省吉縣希臘特利士論四行，在米賴海島。

故吾國哲學爲大陸的性質，有包括一切之象。希臘哲學爲島嶼的性質，有剖析入微之象。吾國哲學長于微言大義，是爲徹上徹下之學。希臘哲學長于方法組織，是爲條分縷析之學。周秦已後，吾國哲學有佛教之侵入。希臘哲學有耶穌教之侵入。其勢略同。至於近世哲學，則西國進步甚速，吾國追隨莫及。此因科學進步之結果而然。實則西國近世哲學之進步，在方法組織者多，而在微言大義者亦少。

中國哲學之優點 吾國哲學畧于實際論，詳于想象論。而在想象論中，

又略于美術而詳于倫理政治。唐宋已後，又略于政治而詳于倫理。然其處處以人生問題爲重，即爲其優點所在。余憶羅馬哲學家辛尼喀 Seneca 曰：「哲學者所以陶冶人類之心意，整理人類之生活，規定人類之行爲，使之遇困難而有主張。」辛氏文集卷二義大利哲學家卜如哪 Bruno 曰：「哲學者所以開人之感覺，滿

人之心意，拓人之智識，導人入于眞美，使解脫苦樂之妄想，而附屬萬事于最善之原因。」卜氏言錄凡此諸說，吾國哲學皆足以當之而無愧色。英國哲學家

羅素 Russell 曰：「中國哲學注重人生問題，足以補西洋哲學之不及。」中國問題

此言誠是。西洋哲學近時亦趨重人生問題，德國倭郁根哲學西人稱之爲人生哲學。

中國哲學之精神 前言吾國哲學略于方法組織，近人多以此爲病，不

知吾國哲學之精神，即在于此。蓋哲學之微言大義，非從悟入不可。孔子之「一貫」，孟子之「自得」，莊子之「以明」，佛氏之「般若」，皆謂覺悟。道家曰：「上士聞道，勤而行之；中士聞道，若存若亡；下士聞道，大笑之，不笑不足以爲道。」

「道德經語佛家曰：『微妙法門，不立文字。』」傳燈錄語文字所以載道，而道且在文字

之外。遑論組織。遑論方法。近世西國哲學固長于方法組織。其實不過在心理物理論理上之推求。若論及宇宙道德人生各根本問題。凡吾國哲學所不能解決者。彼國哲學亦同一不能解決。英國科學家陶母森 Thomson 謂「哲學美術常超乎科學方法適用之外。」科學引言余則謂此非哲學之不合科學方法。實因現時科學方法尚未足解明高深哲學。然則吾人固不可因缺乏科學方法而輕視中國哲學。

中國哲學之難治 古代哲學文字深奧。書冊脫謬。治之甚難。語其大畧。

共有數端。(一)古書多亡。韓愈曰：「孔子歿。羣弟子莫不有書。」送亡損序漢志著錄

孔門弟子書尙有數家。今皆不存。儒家如此。他家可知。(二)古書多僞。如今存之

鬻子文子關尹子尉繚子等書。皆後人僞造。即列子商子等書中。由後人加入

者亦多。(三)古書存者多不完。如莊子原有五十二篇。孫子原有八十二篇。漢書藝文

志今莊子僅存三十三篇。孫子僅存十三篇。其他類此者正多。四古書存者多

難讀。如管子大匡篇「兄與我齊國之政。」舊註不知兄即況字。遂謂召忽呼管

仲爲兄。此借字之誤人。莊子讓王篇「不能自勝則從神無惡乎。」舊註不知

從字下脫一之字。

有呂覽淮南爲證

遂誤以神字絕句。此脫字之誤人。宋本老子「天

地大人亦大。」

並有許氏說文爲證

今通行本皆誤作「天大地大王亦大。」此譌字

之誤人。清儒校釋子書已爲不少。然其字句之難通。文義之難解者尙多。

中國哲學史之難治 吾國古代論列學派之書。如莊子天下篇。太史公

六家要旨論。淮南子要畧訓。漢書藝文志等。其文皆甚簡略。章學誠曰。「史記

敘述著書諸人之列傳。未嘗不于學術淵源反復論次。

校讐通義卷一

此言誠是。然如

西國所謂哲學史。吾國古代實無專書。且周秦書籍亡失僞亂。欲詳其師承之

關係。時代之狀況。而作有統系之哲學史。其事甚難。柳宗元謂。「文子書其渾

而類者少。取他書以合之者多。」

辨文子

余謂諸子書中皆有此病。如管子書內

有道家之說。晏子書內有墨家之論。韓非言法。而史記謂其「原于道德」。老子韓非

傳墨子非儒。而淮南謂其「受孔子之術」。要略此師承之難考。又如劉向傳

「列子爲鄭穆公時人」。列子序而其書言魏牟孔穿。史記稱墨子「並孔子時

」而又稱「或曰在其後」。孟子荀卿傳此時代之難考。

史料之去取。司馬遷曰「秦焚天下詩書。諸侯史記尤甚」。史記六國表序歐陽

修曰「六經焚于秦而復出于漢。其師傳之道中絕。而簡編脫亂訛缺。學者莫

得其本真」。唐書藝文志序余謂子書亡失僞亂。甚於經史。取而理之。約有二事。(一)爲

搜集。(二)爲辨僞。二者均非易事。如馬驢作釋史。於申不害遺言遺事。搜羅極博。

而不知申子尙有遺篇載在魏徵羣書治要。此搜集之難。又如今本列子多係

鈔集莊子呂覽等書以成之者。而柳宗元反謂莊子「爲放依其詞」。辨列子此辨

僞之難。章學誠曰「古人著書之外。別有微言緒論。口受其徒。學者推衍變化。

著于文詞。而人之觀之者。亦以其人而定爲其家之學。不復辨其孰爲師說。孰

爲徒說。」又曰：「古人之言，所以爲公也。」

言文史通義公篇

蓋古人爲書，多出於門

人所記，不必成於一時，亦不必成於一手。近人多以文體前後不同，記事先後失考，定古書之真僞，是與皮相何異？韓愈曰：「學之二十餘年，然後識古書之正僞。」

答李翱書

辨別古書，誠非易事。然劉歆有言：「與其過而廢之，寧過而立之。」

「

讓太常博士書

余作哲學史，抉擇雖嚴，而取材較廣，識者察之。」

時期之分配

吾國哲學史分爲三期：

(一) 周秦哲學

(二) 漢至唐哲學

(三) 宋

至清哲學。此三期亦可分爲古代、中世、近世。第一期爲哲學興起之時代，第二期爲哲學中衰之時代，第三期爲哲學復興之時代。吾國一二兩期哲學，與西

國約略相似。惟西國近世哲學之進步，則于由古學再興與科學崛起之結果，

吾國清代諸儒之校釋古書，固與西國古學再興相似。惟科學之輸入甚晚，故

近世哲學遠不及西國。然此就方法組織上言之。至於吾國古代哲學之精神，

亦不因此而覺減色。茲編僅限於周秦時代，實爲中國哲學史最重要之部分。

第二章 周秦哲學之考原

上古哲學之發生 世界無論何種學理，決非一人一時所能獨創，必有

歷史之關係，及傳受之淵源。西人作西洋哲學史，必上溯希臘，作希臘哲學史，

又利必上溯特士，卽是此意。近人因見歐美文化爲時不遠，遂疑吾國所傳古

代文化，皆不可信。此似過用劉知幾疑古之說。史通有疑古篇不知吾國發達之早，紀

載之遠，原非歐美之比。譬如紂作象箸，見於史記。年表序即謂殷人未必用

箸，然周人必已用之。見禮記即再謂周人未必用箸，然漢人必已用之。再考歐

洲三百年前，尙用手代箸。歐洲用刀又始於英后意利薩伯時代如因西人三百年前，用手代箸，

遂不信吾國三千年前，已知用箸代手，豈非大謬。一箸如此，他事可知。漢儒謂

「伏羲受河圖，則而畫之，八卦是也。禹錫洛書，法而陳之，洪範是也。」漢書五行志此

爲漢儒相傳之說，必有依據。伏羲距今五千餘年，禹距今亦四千餘年，故吾以

八卦洪範爲吾國哲學之原祖。

伏羲

伏羲氏風姓

帝王世紀

都陳

今河南陳縣

始作八卦

以通神明之德以類萬

物之情

易繫詞下

又爲之六十四變

淮南子要略訓語孫星衍周易集解亦主此說

當時有畫無文而文即在

畫之中

釋史卷三語

余按八卦者三即天字

三即地字

三即風字

三即山字

三即水

字

三即火字

三即電字

三即澤字

三即澤字

易乾鑿度說

蓋借天然界之巨象

以指示人事之

吉凶

及重爲六十四卦

乃於人生重要問題無所不包此實五千年前一大著

作未可僅以卜筮目之

故孔子稱之曰

「引而伸之觸類而長之天下之能事

畢矣」

易繫詞上

六十四卦之大義詳見孔子序卦說卦二篇今不多述余按六十

四卦皆「借天象以明人事」

此說本文史通義易教篇

爲周秦各家哲學所發源

神農

神農氏姜姓

帝王世紀

自陳徙都於魯

今山東曲阜縣

有書二十篇

漢書藝文志

按

此書未必爲本人自作然其中必有神農之遺言惜今不傳又按尸子曰「神

農氏夫負妻戴以治天下」

太平御覽

神農又有語曰「一夫不耕或受之飢一

女不織或受之寒」

或稱此爲神農之法神農之教

文子管子呂氏春秋均引此語

合於近時

俄國哲學家所謂「互助」之說。此為戰國時許行之學所自出。

黃帝

黃帝姬姓名軒轅。

帝王世紀居涿鹿。

今直隸涿鹿縣

有書四篇。銘六篇。

漢書藝文志

今亡。金人銘即黃帝六銘之一。

太平御覽卷五百九十引

其畧曰：「勿多言。多言多敗。勿

多事。多事多患。強梁者不得其死。好勝者必遇其敵。盜憎主人。民惡其上。溫恭

慎德。使人慕之。執雌守下。人莫踰之。內藏我智。不示人技。我雖尊高。人弗我害。

江河雖左。長於百川。天道無親。而能下人。」

劉向苑孔子家語均載此銘。德按原文說必甚難讀。此或周初人已

譯我今文讀此可知老子之學所自出。

堯舜

帝堯祁姓。帝舜姚姓。

帝王世紀

堯都平陽。

今山西臨汾縣

舜都蒲坂。

今山西蒲縣

堯

命舜曰：「允執其中。」舜亦以命禹。

論語堯曰篇引

按「執中」為堯舜相傳之學理。亦

為吾國最精之哲學。孔子中庸之學。即出於此。而四千年來國民不走極端之

特性。亦即由此養成。又按堯舜並有仁義忠信之說。

賈誼新書引

孔子刪書。斷自唐

虞。子思亦稱孔子祖述堯舜。

禮記中庸篇

斯即為儒家哲學所自出。

孔記中庸。而中。也者。天
下之大本也。